



Pou Piblikasyon Imedya: 31/12/2021

GOUVÈNÈ KATHY HOCHUL

GOUVÈNÈ HOCHUL ANONSE PLAN 2.0 KONT VAG IVÈNAL LA

Pandan New York ap goumen kont vag ivènal la, Gouvènè devwale yon plan sible pou pwoteje Nouyòkè ki vilnerab yo, sove lavi, epi sipòte endistri enpòtan yo

Bati sou efò kontinyèl yo enkli distribisyon dè milyon kit tès, mezi pou ranfòse kapasite lopital yo ak adrese mank anplwaye yo, ak vaksinasyon kontinyèl ak ranfòsman sensibilizasyon

Gouvènè Kathy Hochul te anonse jodi a Plan 2.0 kont Vag Ivènal (Winter Surge Plan 2.0) la, ki se yon nouvo efò sible pou ranfòse batay New York la kont vag ivènal la. Plan konplè Gouvènè Hochul la konsantre sou senk domèn prensipal: kenbe elèv yo lekòl, ranfòse mask ak tès yo, anpeche maladi grav ak lanmò, ogmante aksè a vaksen ak dòz rapèl yo, epi travay ansanm ak lidè lokal yo. Kèk èdtan anvan Nouvèl Ane a kòmanse, Gouvènè Hochul te ankouraje Nouyòkè yo pou yo selebre lavèy Nouvèl Ane a yon fason ki an sekirite e ki responsab.

"Pandan n ap antre nan wikenn fèt la, Eta New York ap mobilize tout resous ki disponib pou nou konbat vag ivènal la epi kenbe Nouyòkè yo an sekirite", **deklarasyon Gouvènè Hochul**. "Nou ka travèse vag sa a atravè aksyon sible, patenarya ak lidè lokal yo, ak nan pran mezi bon sans pou kenbe nou tout an sekirite: pran vaksen, pran dòz rapèl yo, epi mete yon mask nan espas ki fèmen yo."

"Nou gen tout zouti pou kenbe fanmi ak kominate nou yo an sekirite", **deklarasyon Komisè Sante Eta pa Enterim Ian, Doktè Mary T. Bassett**. "Nou dwe asire nou itilize tout. Plan sible Gouvènè Hochul la pou elaji aksè ak vaksinasyon ak dòz rapèl yo, mask ak tès, epi ogmante mezi pou pwoteje travayè swen sante nou yo se estrateji konplè ki nesesè pou konbat varyant Omicron ki pwopaje rapid la. Pwofite taktik mitigasyon pa kouch sa yo se fason nou pral pwoteje sante Nouyòkè yo epi jere efektivman vag ivènal la."

1. Kenbe Lekòl yo Ouvè: Apre dezan aprantisaj adistans ak fèmti lekòl yo, Gouvènè Hochul konsantre sou kenbe elèv yo lekòl nan ane k ap vini an. Premye pwen fondamantal plan 5 ki gen pati Gouvènè Hochul la gen ladan li:

- *Bay elèv yo ak distri lekòl yo tès:* Gen 5.56 milyon tès ki te rive pou lekòl yo semèn sa a e ant sis ak sèt milyon anplis ki gen pou rive nan jou k ap vini yo.

New York te mobilize 40 kamyon ak 86 pèsonèl eta pou distribye tès yo. An jeneral, Eta New York te garanti 37 milyon dola tès pou distribisyon.

- *Travay ak konte yo pou aplike Test-to-Stay (Teste-pou-Rete):* Règleman Test-to-Stay yo pwouve sikse nan kenbe timoun nou yo an sekirite ak nan kenbe lekòl yo ouvri. Si yon elèv teste pozitif, kamarad klas yo ka pran yon kit tès pou ale lakay yo epi retounen nan salklas la lè yo resevwa yon rezulta negatif olye pou yo egzije yo mete yo an karantèn.
- *Kenbe etidyan ak pwofesè kolèj yo an sekirite:* SUNY ak CUNY pral entwodui yon novo egzijans pou tout etidyan yo pran dòz rapèl yo, kanpis yo pral mande pou mete mask obligatwa nan espas pubblik ki fèmen yo, epi yo pral mande pou tout pwofesè yo pran vaksen. Elèv yo pral oblige soumèt tès negatif tou lè yo retounen nan kanpis la.

2. Kontinye Mete Mask, Kontinye Teste: Gouvènè Hochul rekonèt ke pou sispann pwopagasyon viris la, Nouyòkè yo dwe kontinye mete mask ak fè tès COVID. Gouvènè Hochul pral:

- *Pwolonje egzijans pou mask-or-vax (mete mask oswa vaksinen) la:* Depatman Sante (Department of Health, DOH) a pral pwolonje egzijans pou mete mask-oswa-vaksinen an pandan yon lòt de semèn, pou pwoteje travayè yo epi pèmèt biznis yo rete ouvè.
- *Fè mask yo lajman disponib:* Eta New York te deja distribye 5 milyon mask KN-95, epi plis yo pral distribye plis atravè lejislatè eta yo. Yo pral distribye dè santèn milye mask tou pou vizitè nan mezon retrèt yo.
- *Lanse novo sit tès:* Gouvènè Hochul pral ouvri sis novo sit tès 4 janvye, sa k ap totalize 19 sit ke eta ap administre nan tout eta a. Anplis de sa, Gouvènè Hochul te anonse lansman de novo sit tès nan estasyon MTA yo, anplis de sit tès tanporè MTA [yo te anonse déjà yo](#).

3. Prevansyon Maladi Grav ak Lanmò: Ak kantite ka yo k ap ogmante, Gouvènè Hochul ap fè li yon priyorite pou anpeche maladi grav ak lanmò nan sipòte sistèm lopital nou an. Plan 2.0 kont Vag Ivènal la pral:

- *Distribiye tretman antiviris:* New York ap travay ak Administrasyon Biden lan pou garanti dòz medikaman antiviris Pavlodix la epi rann tretman sa a lajman disponib.
- *Ranfòse kapasite lopital:* Gouvènè Hochul pral kontinye aplike Dekrè Egzekitif 26 novanm lan pou ranfòse kapasite lopital yo. Depi li te antre an vigè, kantite lopital ki gen kapasite limite ki bezwen pran yon poz ak operasyon ki pa esansyèl yo te bese soti nan 32 rive 21.
- *Lanse fòmasyon Gad Nasional EMT:* pou ogmante bezwen kapasite mendèv swen sante alontèm nou yo, Depatman Sante a ak Divizyon Afè Militè ak Naval (Division of Military and Naval Affairs) pral lanse de klas fòmasyon pilòt EMT 5 janvye. Sa a pral kouvri de klas ki gen 40 manm sèvis (80 manm sèvis otatal) ke yo pral kapab deplwaye nan mwa fevriye.
- *Garanti èd siplémentè ki soti nan men patnè federal yo:* nan jou k ap vini yo, nou pral resevwa Ekip Repons Medikal ak Asistans Medikal nan ka Katastwòf (Medical Response and Disaster Medical Assistance Teams, DMATs) Depatman

Defans (Department of Defense, DoD) lan. Sa a pral gen ladan yon DMAT ki gen 35 manm pou pati Nò SUNY an nan Syracuse, yon Ekip Repons Medikal Dob ki gen 23 manm nan Sant Medikal Konte Erie (Erie County Medical Center) nan Buffalo, ak 50 nouvo ekip anbilans ki deplwaye nan NYC.

- *Pwoteje rezidan mezon retrèt yo ak travayè yo:* Administrasyon Hochul la toujou an kontak ak tout 606 mezon retrèt yo nan New York epi yo pral ba yo PPE adisyonèl pou asire sekirite tout pasyan yo ak anplwaye yo. Anplis de sa, Administrasyon an pral kowòdone ak lopital yo epi yo pral deplwaye ekipman medikal dirab pou kontinye soutni swen pou tout Nouyòkè yo.

4. Elajì Aksè ak Vaksen yo ak Dòz rapèl yo: Vaksen yo kontinye rete pi bon defans kont kantite moun ki entène lopital ak lanmò ki lye ak COVID. Pandan ke 95% nan adil Nouyòkè yo te resevwa omwen yon dòz, gen plis pou nou fè pou ogmante to vaksinasyon ak to dòz rapèl yo, espesyalman pami timoun yo:

- *Bay dòz rapèl nan mezon retrèt yo:* New York pral kòmanse mande pou chak mezon retrèt yo montre plan yo genyen pou ogmante to vaksinasyon ak ddòz rapèl yo pami rezidan yo.
- *Ogmante vaksinasyon pou timoun yo:* kowòt ki pi elijib ki pa vaksinen an se Nouyòkè ki gen laj 5-11 zan yo. New York pral ogmante konsantrasyon nou sou vaksinasyon pou timoun yo.
- *Jwenn dòz rapèl pou adolesan yo:* nou prevwa apwobasyon dòz rapèl Pfizer pou timoun ki gen laj 12-15 zan yo pral imedyatman kòmanse sansibilize popilasyon sa a yon fwa li pare.

5. Travay avèk patnè lokal yo: Depi nan konmansman an, Gouvènè Hochul te soulinye ke batay kont COVID dwe pran yon apwòch kolaboratif. Konbat vag ivènal la mande yon kolaborasyon sere ak patnè lokal yo:

- *Kite lidè lokal yo dirije:* soti Vil New York rive nan Konte Erie, lidè lokal yo ap fè chwa ki entelijan. Nou pral kontinye apwòch chirijikal ak sible sa a.
- *Bay patnè lokal yo resous:* Gouvènè Hochul pral kontinye dirije yon apwòch nan tout gouvènman an pou konbat COVID, pou asire ke manadjè ijans konte yo ak konsèy lekòl lokal yo gen tès ak mask yo bezwen yo.

###

###